



**Eminentissimi Ac Reverendissimi Domini, D. Joannis
Baptistæ, Cardinalis De Luca, Theatrum Veritatis Et
Justitiae, Sive Decisivi Discursus**

Ad Veritatem Editi In Forensibus Controversiis, Canonicis & Civilibus, in
quibus in Urbe Advocatus, pro una partium scripsit, vel Consultus
respondit ; Cum Indicibus Argumentorum, Causarum ac Rerum
luculentissimis. Opus Tam Judicibus, Quam Causarum Patronis, atque
omnibus in utroque Foro ...

Pars I. De judiciis & judicialibus. Hoc est de Sententia & re judicata,
Executione, Attentatis, Judice, Notario, Advocatis, Procuratoribus,
Expensis, & aliis ad materiam judiciorum. Pars II. Relatio Romanæ Curiæ
forensis, ejusque Tribunalium, & Congregationum

**Luca, Giovanni Battista de
Coloniae Agrippinae, 1691**

V. De Consistorio, & de causis, ac negotiis, quæ in eo tractari solent; Ac
etiam de Collegio Cardinalium, ejusque jurisdictione, & prærogativis; Et de
Congregatione Consistoriali.

[urn:nbn:de:hbz:466:1-74090](https://nbn-resolving.de/urn:nbn:de:hbz:466:1-74090)

liter, cuiuslibet ius suum tribuatur, atque à maximo ad minimum, æqualis sit justitia, & obediens sarcina; (Cum ea tamen circumspectione, quam ubique ex quadam congruentia praxis docere videatur in Oratoribus Principum ut infra in eorum particulari rubrica advertitur); Atque per universum Statum ecclesiasticum, illum præsertim, qui immediatè regitur per Gubernatores, & Præsides, sub directione illius valde proficuae Congregationis, quæ Consulta dicitur, de qua infra in ejus particulari Rubrica infra dicto disc. 25. recte verificatur id, quod sacra Scriptura de temporibus Salomonis refert, quod scilicet libere vivat sub sicula sua & sub vite sua, (quod facit Deus ut semper conserveretur, ut conservandum speratur, Pontificibus in hac vigilantiâ perseverantibus.)

Nimium quoque pro hoc optimo, vereque exemplari civili regimine, prodest eximia qualitas ministrorum, ac operariorum, ac præsertim Præsidum, & Gubernatorum localium, qui præfidatus, & gubernia, non affectant, neque emunt ad lucrum, & ditationem, ut justitiam vendant, vel criminum punitionem delinquentes cum pecunia re linant, dum sunt viri nobiles, & divites in Prælatura statu constituti, hujusmodi munera assumentes, & exercentes pro solo merito, atque ut ita gradus sibi constituant ad majora munera, primariaisque dignitates, non autem ut in guberniis, cum ipsorum emolumentis, vivant, vel lucentur; Quinimò potius de proprio, magnis, ac notabilis summis erogando, non solù pro eorum concedenti, & honorifica sustentatione, atque pro Principum, & Magnatum splendidis hospitationibus nomine Papæ, eorum sumptus; Sed etiam quandoque notabilis summas de proprio erogando in diligentiis, pro habendis, ac puniendis malefactoribus, ac delinquentibus; Ut etiam in Curia in tot Prælati, qui munera & judicaturas exercent, praxis docet, ut agendo præsertim de Tribunalibus utriusque Signaturæ, ac Rotæ, & Camerae inferiùs advertitur; Ista que revera est in aliquibus principatibus per scandalarum, quod scilicet Judges, & Gubernatores, ac Præsides, aliquæ officiales, munera, & officia affectant, ad solum lucrum & ditationem quod manifestam habet implicantium cum recta justitia administratione, recteque regimine Reipublicæ.

Præsertim vero, nostra ætate istam compunctionem docuit casus pestis quæ aliquas Italie partes adeo vexavit, dum in Urbe, quamvis nimium griffata esset, nullum penitus inconveniens visum, vel auditum est, tam circa omnium virtutum consuetam affluentiam, liberumque commercium, absque aliqua pretiorum alteratione, quam etiam circa infirmorum curationem, & mortuorum sepulturam, de nocte, absque aliquo clamore, vel tumultu, adeo ut, in tam notabili fratre hujus divini belli, nec unum quidem cadaver visum fuerit per Civitatem; Idque ex vigilantia Congregationis desuper constituta, ex iis Cardinalibus, qui occasione legationum, vel guberniorum, magnam habeant peritiam in regimine hujus temporis calamitofici, occasione alterius belli divini, quod alias Italia superiores partes prius vexaverat; Ac etiam, omniam vigilantiam, & assistentiam Prælatorum, qui desuper deputati fuerant in lazareto, & in singulis regionibus, & contractis, dum non

Card. de Luca. Relatio Curia Romana.

solum exactissimam adhibebant personalem operam, ac diligentiam, omnino gratuitam absque minima, ne quidem imaginabili utilitate; Verum etiam erogabant notabiles summas de proprio æte, in elemosynas, ac subventiones indigentium; Nimium quoque cooperante omnimoda æqualitate exactissimæ obedientiæ, in qua Magnates, ac primarii viri infimos, ac plebeos vincebant; Ac etiam ob severam irremissibilem punitionem aliquorum inferiorum operariorum, qui non bene in proprio munere se gerent; Et in summa, ut ab officialibus, ac regentibus absint fortes, quarum mixtura nunquam bonum regimen Reipublice producere potest.

Et licet ab aliquibus dici soleat, quod istæ bonæ Prælatorum operationes non ex virtute ²⁵ charitatis & justitiae, sed ab ambitione proveniunt, Eis tamen replicari potest, quod pro bono Reipublicæ gubernio, ac justitiae administratio effectus attendi debet, non autem causa, dum apud Deum, & in foro interno, ex sanctorum Patrum testimonio, non virtus, sed causa virtutis attendi debet, sed apud homines, arque in foro externo, effectus, vel exercitium virtutis, non autem causa desideratur.

D I S C. V.

De Consistorio, & de causis, ac negotiis, quæ in eo tractari solent; Ac etiam de Collegio Cardinalium, eorumque jurisdictione, & prærogativis; Et de Congregatione consistoriali.

S V M M A R I V M.

- D**e vocabulo Consistorii quid significet.
- 2** De duplice specie Consistorii.
- 3** De Consistorio solemni publico.
- 4** De functionibus quas in eo faciant Advocati consistoriales.
- 5** De Consistorio semipublico.
- 6** De Consistorio secreto, & qua die celebretur.
- 7** De modo accessus ad Consistorium.
- 8** De audiencia, quam Papa praefat Cardinalibus in Consistorio.
- 9** De negotiis, quæ tractantur in Consistorio, & præstum de promotione Cardinalium.
- 10** Quando dicuntur veri & perfecti Cardinales.
- 11** De aliis solemnitatibus in promotione Cardinalium.
- 12** Quæ persona soleant ad hanc dignitatem promovere.
- 13** Quare Regulares aliquando promoteantur.
- 14** Et de eundem promotione ad Episcopatum.
- 15** De provisione Ecclesiastiarum Cathedralium, & Metropolitanarum.
- 16** De Episcopatibus titularibus in paribus insidelium.
- 17** De modo promotionis Episcoporum actualium.
- 18** Monasteria consistorialis providentur in Consistorio.
- 19** De traditione pallii.
- 20** De dimissione Episcopatum.
- 21** De creatione Legatorum Apostolicorum.
- 22** De novis erectionibus vel unionibus Cathedralium.
- 23** De quibus aliis negotiis in Consistorio tractetur.

22 RELATIO ROM. CURIAE FORENSIS

- 24 De congregazione Status.
- 25 De Congregatione consistoriali, & qua negotia tractantur.
- 26 De Cardinalium Collegios jurisdictione, & praeminentiis, & aliis Cardinalium iudicibus & privilegiis.
- 27 De numero Cardinalium.
- 28 De sex Episcopatibus Cardinaliis.
- 29 De illorum optione, & de decanatu Collegii.
- 30 An Cardinales Diaconi dent benedictionem.
- 31 De optione inter cardinales.
- 32 De praecedentia & praeminentiis supra Prelatos.
- 33 De alias privilegiis, & prerogatiis.
- 34 De rotulo, seu distributionibus cardinalium.
- 35 De presentia in curia.

QUAMVIS istud Consistorii vocabulum, in latiori grammatical significatione, cui libet simplici adunantiae, vel congregatio ni congruere videatur, adeo ut in aliquibus partibus, Tribunalia adsint collegiata, quæ istud nomen seu vocabulum adhuc retinet, ut praesertim in Regno Sicilia praxis docet; Atque legaliter, attento praesertim jure civili novo, post Imperii translationem in Graciam, illi congruat adunantiae, quæ ex Principe, ejusque Consiliariis fiat; Cum consistorium propriè sit locus, in quo consultandis gratia, homines consistunt, atque Consistoria dicuntur Palatia Augusta Iia; Attamen quidquid sit de vocabuli significacione, de qua ad Scholasticos potius, quam ad forenses, stricte, ac rigorose inquirere pertinet; Ob communem Christianorum Principum usum, istud vocabulum, singulariter illam significat adunantiam, seu congregationem, quæ per Papam, cum Col legio Cardinalium in forma Senatus in eius Apostolico Palatio fit; adeo ut, quamvis aliae in eadem Romana Curia sequantur adunantiae per eundem Papam cum eodem Collegio, vel cum aliqua ejus parte, ut in Capellis pontificis, vel in aliquibus Congregationibus contingit, in illis praesertim Sancti offici, & Signatura Gratiae, ac Examinis Episcoporum, & quandoque Rituum pro canonizatione Sanctorum; ac in aliis, non tamen istud, sed alia adhibentur vocabula.

Duplex autem est Consistorii species; Aliud enim est extraordinarium, magisque solemne, quod, præter Cardinales, alios admittit Prelatos, & ministros, ac etiam Principum Oratores, aliosque Magnates, qui in Papa solio assitant, quod publicum dicitur; Et quandoque cum pontificibus parantibus, pro functionum diversa qualitate celebratur; Aliud vero est ordinarium, quod in forma minus solemni fit cum solo interventu Cardinalium pro negotiis pertractandis, quod secretum dicitur.

Prima species, solemnia, seu ceremonialia potius quam forensia, vel curialia concernit, ut contingit, quando prævio Consistorio secreto, in quo conclusa sit alicujus servi Dei canonizatio, servatis iis que, infra, agendo de Rituum Congregatione insinuantur, aliud publicum, & solemne Consistorium fiat, cum interventu omnium Episcoporum presentium in Curia, ac etiam Prothonotariorum Apostolorum, ac Auditorum Rotæ, & quorundam aliorum Prelatorum, quorum omnium tanquam per quendam imaginem Concilii generalis, votum exquiritur; Sive quando prævia creatione Cardi-

naliū, in alio Consistorio secreto cum solitis ceremoniis, galerus cardinalitus eis conceditur; Aut quando Reges & Principes, vel eorum extraordianrii Oratores, qui obedientiæ dicuntur, ad solemnem & publicam Papæ audiencem, pro obsequio, & obedientia admittuntur; Istaque species, ad Curiam ceremonialē potius, quam ad forensem pertinet; Solumque aliqua forensis mixtura in eo dignoscitur, quod in illis spatiis, in quibus, accedentibus novis Cardinalibus ad capellam pro solemni pœstatione jumenti; Sive quod ob alias ceremonias contingat ut Papa in solio otiosus remaneat, ne otium in eōne quidem temporis momento detur; Unus vel plures ex Consistorii Advocatis interim orare soleat pro canonizatione alicuius servi Dei, ejus virtutes, ac merita enarrando; Moderna verò est hæc introductio, orandi super meritis alicuius servi Dei, quoniam antiquitus proponebantur in his spatiis causæ concernentes justitiam, & potissimum criminales; Quinimo proponebantur casus ideales, & figurati valde de horrendi ex testimonio Gomeſii in compendio utriusque Signaturæ, quod inconveniens videbatur.

Ac etiam datur quædam species mixta, quæ sub semipublici Consistorii vocabulo explicari solet, quia nempe, partim sequatur cum solis Cardinalibus secreto, & partim publice cum aliorum interventu; Sed pariter ista species, ad ritualia potius, quam ad forensia pertinere videtur.

Quatenus itaque ad ordinarium secretum Consistoriorum pertinet (ut præcedenti discusus insinuat est,) Illud antiquior tempore bis in hebdomada teneri solebat; Medio verò item, pro brevioribus causis in forma contentiosa etiam cum interventu Procuratorum, & Advocatorum utriusque partis decadentis per Papam, cum voto Cardinalium; vestr. in proxim principio Loter. 6. de benef. lib. 1. quæst. 8. Atque ex hujusmodi decisionibus aliqua pars canonum registratorum in quinque libris Decretalium est desumpta, alia vero ex decisionibus Rotæ, infra dis. 32.

Hodie vero rarius illud habetur ad Papæ placitum, prout negotiorum urgentia exigat; Pro frequentiori autem praxi, bis in mense, atque ordinaria dies est illa feria secunda, vulgo Luna de mane; Quamvis aliquando ob dictæ diei impedimentum, vel necessitate exigente in altera die, & quandoque etiam post prandium, seu de fero, (ut aliquando nostra ætas vidit,) cum totum pendeat à Papæ placito, ac arbitrio.

Prædente itaque singulorum Cardinalium in Curia præsentium, die præcedenti per publicum Curforem destinata Consistori celebrazione notificatione, cum expressione diei, & horæ, in qua Sanctissimus fit interventus; In consueta Palatii aula magna, vel in alia Papæ placita, singuli Cardinales, cum solemni comitatu, & obsequio ad illud accedunt, more regio, adeo ut in hac functione, magis quam in aliis Romanæ Curiae Majestas elucere videatur, atque ita verificari id, quod antiqui Scriptores de prophanae triumphantis Romanæ Republicæ Senatoribus dicere solent, ut scilicet tot Reges reputari mereantur.

Postquam verò cardinales in convenienti numero, statuta hora, in Aula congregati sint,

in

in scanno seu banco ligneo cappa magna, rochetto, & biretto induit sedendo; Papa ad sumam consuetam sedem aliqualiter elatam, sub throno, seu baldachino in habitu privato, cum rochetto scilicet, & mozzetta, ac biretto pontificio accedit, ibique donec omnium Cardinalium accessus sequatur, vel etiam eo sequuto, ad sui placitum, januis adhuc apertis, adeo ut omnibus nobilibus, & qualificatis viris, ac Prelatis aditus pateat, singulis Cardinalibus petentibus privatam auricularem audienciam praestat, super propriis, vel Principum, aut amicorum, vel familiae precibus, ac instantiis, aliisque negotiis; Atque in hac functione praesertim, Papæ Majestas dignoscitur, quoniam, licet Cardinales in praesentia Papæ sedent, in dicto banco coperto capite, cum biretto cardinalio; attamen ubi singuli Papam ibi publice alloquuntur, coram eo, stant capite discooperto, cum magno obsequio, ac reverentia, quamvis magnorum Principum filii sint, vel Cardinales magna exiftimationis, qui eundem Pontificem in minoribus in eorum famulatum, vel obsequio habuerint, ejusque promotores fuerint; Dictaque audiencia, pro Papæ placo expleta, omnes ab aula excipiuntur, foliis Cardinalibus cum Papa remanentibus, in proxima aula solum assidentibus, Collegii Secretario, Clerico, aliisque ministris, ut prompte accurrant, ita tamen, ut Confistorii secreta audire non valeant.

Negotia verò, quæ hodie in Confistorio explicitantur, foresem, contentiosam formam amplius non habent, sed solum gratiosam, vel politican, ut Principis supremum Senatum decet; Omnia autem primaria functio, reputatur illa novæ creationis Cardinalium, in locum defunctorum; Atque (quidquid sit de antiquo stylo,) hodiernus est, quod Papa vel in Confistorio initio, priusquam alia pertransientur negotia, vel frequentius in fine, dicit Cardinalibus quod habent fratres, atque nominando illos, quos in Collegium cooptare velit, eos interrogat, quid ipsis videatur, eisque approbantibus, ac laudantibus, sit decretum promotionis, quæ illicè publicatur extra Confistorium per Curiam; Quandoque tamen exprimendo numerum eorum, qui promoteantur aliquorum nomina publicare non solet, sed ea (ut dicitur) reservat in pectore; Et quamvis illa quandcumque etiam extra actum Confistorii, aperire valeat; Quinimò ex integro Cardinalium promotionem ita facere, cum omnia pendeant à jure, vel à formalitate positiva, dum ut discursu praecedenti advertitur, Cardinalium interventus & consensus est voluntarius, & consultivus; Attamen observantia hucusque dedit, quod tam promotio, quam publicatio jam promotorum, non nisi in Confistorio fieri consuevit, unde propterea hodie non audiuntur illæ quaestiones, quas apud nostros majores disputatas esse habemus de Cardinalibus occulte creatis. Ias. confil. 145. lib. 2. quem refert Cyriac. contr. 312. numer. 33. & seqq.

Sequuntur verò dicto actu publicationis in Confistorio; Quamvis in alio publico Confistorio, præviis juramentis præstatione, aliisque solemnitatibus, Cardinalitia insignia solemniter præbeantur, atque in alio Confistorio sequenti, ut vulgo dicitur, eis os operiatur, id est, quod habilitantur ad votum proferendum; Attamen

Card. de Luca. Relatio Curia Romane.

istæ sunt ceremonia, vel solemnitates, quæ non percutiunt substantiam, vel perfectionem actus, quoniam sequuta promotione, ut supra, illi sunt veri, ac perfecti Cardinales, ideoque Ciquidquid alias dubitatum fuerit, votum habent in clavili in electione Pontificis, omnesque alias Cardinalitias jurisdictiones, & præminentias, ut moderna praxis docuit, ultimæ promotionis Clementis Noni octo Cardinalium, in quorum numero fuit immediatus successor Pontifex Clemens Decimus, qui per dies in statu cardinalitio, dictis solemnitatibus non adhibitis, stetit.

In hujusmodi autem promotionibus, pro temporum, vel rerum opportunitate, ac etiam quandoque, ad Imperatoris, & aliquorum Regum, vel Rempublicarum preces ac instantias, assumentur Prelati, aliquae qualificati, ac emeriti viri, ex omnibus Orbis Catholici nationibus, & frequentius illi, qui per gradus, publica Sedis Apostolica munera exercuerint, illa praesertim Nunciorum, apud Reges, & Principes, dum hoc munus magnam prebet politicorum & publicorum negotiorum peritiam, quæ in Cardinalibus nimium necessaria est, ut distinguendo Curialium classe inferius agenda de causidicis advertitur infra in eo disc. in quo agitur de Curialibus. Ac enim illi Episcopi, qui diu, ac laudabiliiter, in sibi commissarum Ecclesiasticum regime versati fuerint, aliquae Curiae Officiales, & Magistratus, & praesertim ex majoribus, Collegiatis Tribunalibus Rotæ, & Camera; Atque quoad eas ignari vulgi obloquiones, quæ fieri solent super promotionibus eorum, qui officia venalia possideant, latè agitur alibi ubi videri potest. it. de Regal. disc. 2.

Solent autem (ita etiam Apostolicis Constitutionibus monentibus) nullo dictorum publicorum munerum exercitio praecedente, ad hanc dignitatem promoveri aliqui privati Regularis in cella reclusi, tanquam insignes Sacrae Theologiae professores; Non quidem principaliiter ob hanc professionem, dum in ea habentur quoque Prelati, aliquae saeculares togati perfissimi, atque huic primario muneri magis apti, ut potè maiorem politicarum, & publicarum rerum experientiam habentes, sed ex bono, & commendabili fine, ita honorandi quoque clericum seu hierarchicum ordinem regularem, in Ecclesia Catholica valde proficuum, atque ita cum hujus præmii spe, multos ad sacrarum literarum studia allicioendo.

Atque ex eadem ratione, iidem Regularis, ad Episcopatus commendabiliter promoveri solent, quamvis illarum diocesum, in quibus præcul ab hereticis, catholica fides pacificum statum habet, eorum regimen non valde opportunum reputari soleat, ob deficientem rerum saecularium peritiam; Id autem desiderandum videtur, ut omnino inhabiles, ac indigni reputari deberent illi religiosi, qui Episcopatum ambitionant, ac affectant, quodque non petentes, in eorum Religionibus valde probati, ac commendiati, ex officio promoveri deberent, ut B. Joannes Theutonicus dicere solebat; Atque P. Stephanus de Luca meus patruus ordinis Minorum conventionalium Romanæ Sapientiæ Theologus necio an ex proprio sensu, vel ex sanctorum Patrum traditione, hujusmodi religiosos, qui Episcopatus

D 3 scopæ

24 RELATIO RÖM. CURIÆ FORENSIS

Iscopatum petunt, atque ita inordinate ambiunt
apostatas mentales appellabat.

15 Altera Consistorialis functio est provisio Ecclesiarum Patriarchalium, Metropolitanarum, & Cathedralium vacantium, de Praelato seu Pastore; Itaque provisio est de duplice ipecie; Una scilicet Ecclesiarum titularium tantum absque residentia, & administratione, eo quia diœcesis de facto occupata sit ab infidelibus, vel hæreticis, aut schismaticis; Et altera de Ecclesiis habentibus actualem jurisdictionem, & administrationem in diœcesi catholica.

16 Prima species provisionum fit solo nutu, & placito Papæ, cum quamdam honorificam præminentiam solum importare videatur, consti-
tuendo personam in ordine pontificali, absque aliquo pontificalium exercitio jure proprio, sed solum jure alieno; Unde propterea de consi-
stitudine Curie receptum est, ut per hujusmodi provisiones, non resultet vacatio aliarum Ec-
clesiarum vel beneficiorum incompatibilium, ut in promotis ad Episcopatus actuales absque dispensatione super retentione resultat, ut in beneficiali materia advertitur. *de pension. disc. 5. 8.*

17 Ubi verò agitur de altera specie provisio-
num actualium, tunc prævia respectu Ecclesiarum Italiae & Insularum adjacentium solemnitate examinis, de qua infra in particulari sede Congregationis examinis Episcoporum *infra d. 21.* Sive promovendus electus sit per Papam; Sive per Capitulum; Aut nominatus per Prin-
cipem respectu, pro regionum diversis usi-
bus, coram Cardinali ad id per Papam deputato, per Notarium particularem his actibus gene-
raliter deputatum, efformatur processus, super vita, moribus, legitimis natalibus, ætate, gradu, aliisque necessariis requisitis pro Episcopatu, ac etiam super statu Ecclesia; Ita quoque processu completo, idem Cardinalis in primo Consisto-
rio, facit Ecclesiæ, ac personæ providendæ præ-
conizationem, tam orenthus in ipso Consisto-
rio, omnibus Cardinalibus audiens, quam-
cum memorialibus, seu brevibus informationibus antecedenti die transmissis per manus singulorum Cardinalium, super omnibus, que in processu continentur, ac justificata sunt, ad effe-
ctum ut in eo intermedio spacio usque ad alterum Consistorium, extrajudiciales informa-
tiones per Cardinales haberi valeant, super iis que in contrarium eis obstat possint, atque de tem-
pore propositionis opponi; In sequenti vero Consistorio, idem Cardinalis proponit Papæ illam personam electam tanquam idoneam, ut eam Ecclesiæ viduata præficiat, atque nemine aliiquid habente in contrarium, Papa desuper in ipso Consistorio interponit decretum, ideoque ex tunc provisus dicitur Episcopus, atque obtinet ea, que sunt jurisdictio, non autem ea que sunt ordinis pontificalis, pro quibus necessaria est consecratio, que ritualia potius vel ceremonia concernit; Optimum quidem nimiumque commendabile est institutum, sed desideranda videtur aliqua melior ejus praxis, quoniam, ut quandoque fert fama, sive vera, sive falsa, citra Papæ rectam intentionem, sequuntur hujusmodi electiones in personis parum dignis, quarum mali mores, vel alii detectus innotescant; Et tamen ex quodam usu, vel ex alia causa, ne-
go loquitur, adeo ut istud optimum, nimium-

que proficuum institutum quando practicare-
tur, ad formalitatem redactum videatur.

Quandoque autem, ubi agatur de provisione personarum, conspicuæ, ac nota qualitatibus, ipse met Papa propositionem facit, atque illico (si nil opponatur) fit decretum, absque necessitate præconizationis.

Consistorialiter quoque providentur aliqua Monasteria regularia, quæ propter ea apud be-
neficialistas Consistorialia nuncupantur; *de be-
nef. disc. 4.* Ac etiam coadjutoriorum cum futura suc-
cessione, tam Cathedralium, & Metropolitanarum, quā dictorum Monasteriorum Consisto-
rialium. *de canon. & Capit. disc. 27. & de Regul.
disc. 53.*

Atque ubi agatur de Ecclesiis Metropolitanis, vel de aliquibus Cathedralibus hanc præ-
rogativam habentibus (ut in Italia sunt Episcopatus Papiensis, & Lucensis,) quod scilicet eis congruat ulla pallii, tunc in altero immediato, vel medieto subsequenti Consistorio, pallium conceditur, ipsius provisi procuratore suppli-
cante, atque pro eo orante uno ex Advocatis consistorialibus.

Cumque unumquodque solvi debeat eo modo quo ligatum est; Hinc proinde si provi-
sus de aliqua Ecclesia Cathedrali, vel Metropoli-
tanæ per dimissionem liberam, vel per transla-
tionem ad alteram liberari cupiat, id pariter in Consistorio sequitur, per quandam speciem dis-
solutionis hujus matrimonii spiritualis, prævio proce-
ssu super justis causis, ex quibus hujusmo-
di dissolutio petatur.

Legatorum Apostolicorum, extraordinario-
rum ad Reges, & Principes, qui de latere dicu-
tur, ac etiam ordinariorū pro regimine aliquarū Provinciarū Status Ecclesiastici juxta distinc-
tionem de qua *disc. præcedenti*, deputatio-
nes in Consistorio patiter fiunt.

Prout etiam novæ erectiones Cathedralium, vel Metropolitanarum, cum dismembratione territorii, novæ Ecclesiæ assignandi, ab una vel pluribus adjacentibus diœcesibus, sive earumdem Ecclesiarum uniones, vel divisiones in Consistorio fiunt, atque causæ consistoriales dicuntur, omnium verò hujusmodi aërorum Se-
cretarius est Cardinalis Vicecancelarius, ut in ejus Rubrica advertitur. *de præminent. disc. 1. cum seqq. & disc. 6. & infra disc. 10.*

Item in eodem Consistorio, Papæ cum Car-
dinalibus agit de gravioribus Sedis Apostolice, & Ecclesiæ universalis vel Principum, spiritua-
libus, ac temporalibus negotiis, juxta eorum qualitatem & circumstantias; Cumque non semper expedit, de illis publicè coram omnibus Cardinalibus loqui, hinc isto casu, Papa pro eorumdem negotiorum consultatione ac dire-
ctione aliquorum Cardinalium particularem congre-
gationem deputare solet, que *Status dicti-
turi*, ita que proinde non est Congregatio fixa, &
continua, sicuti sunt aliae, de quibus infra, sed in singulis occurrentiis particulariter deputari so-
let, variando in qualibet Cardinales, aliosque ministros pro negotiorum qualitate, vel tempo-
rum opportunitate.

Quia verò in plerisque ex dictis actibus con-
sistorialibus, interessati oppositores adesse so-
lent, adeo ut formam vel disputationem conten-
tiosam habere oporteat, eaque prudenter, ob
majorem Consistorii majestatem, ab eo (ut su-
prā)

præcessulavit; Hinc proinde ercta fuit particulares Congregatio, dictorum consistorialium negotiorum preparatoria, seu Consistorii consularis, quæ proinde Consistorialis, nuncupatur, constituta ex aliquo competenti numero Cardinalium, ac etiam peritorum Praetorium, cum proprio Secretario, qui juxta hodiernam observatam, non est Praetor, sed peritus togatus; Atque in ista Congregatione prius formiter examinatur materia, Partibus opponentibus auditis in forma mere contentiosa, proportionata tamen stylo Congregationum cardinalitiarum, circa formalitatem tela judicaria; Præsertim vero ubi agatur de Ecclesiarum unionibus vel divisionibus seu dismembrationibus, novisque electionibus, an scilicet verificantur justa cause vel requisita desuper necessaria, de quibus habetur particulariter actum in materia præminentiarum, ubi videri poterit, *de preminent. dicto disc. 6.*

Ac etiam agitur de confirmatione electionis factæ de Praetore à Capitulo vel à Monasterio, an valida, & canonica sit; Sive de concessione coadjutoriæ, an justa causa, aliaque requisita concurrent; Aut de nominatione vel jure nominandi prætenso per Principes vel Universitates, ad Cathedrales seu Metropolitanas, de quibus habetur particulariter actum in suis sedibus præsertim in materia electionis, vel coadjutoriæ. *de Canon. & Capit. disc. 27. & 28. & de Regular. disc. 53.*

Prout etiam in ista Congregatione, examinantur causæ, ac requisita, sine quibus Episcopus admitti non debet nec solet ad dimissionem Ecclesiæ, atque ab ejus vinculo solvi, quoniam quando agitur de eorumdem Episcoporum personali absolutione per viam privationis, tunc ad consultationem alterius Congregationis Episcoporum, id sequi solet.

Et in summa ista Congregatio Consistorialis, est ipsius Consistorii pars, seu membrum, aut ejusdem Consistorii Consultor, vel Assessor, adeo non nisi de ejus voto negotia consistorialia, quæ controversiam pati valeant, expllicantur.

In reliquis vero concernentibus ipsum Collegium Cardinalium, de ipsis introductione, ac jurisdictione in universum, seu participatione in regimine & administratione Ecclesiæ universalis, actum est supra *discurs. 3.* Ac etiam in materia jurisdictionali, ubi etiam latè, & ex professo habetur actum de singulorum Cardinalium jurisdictione, & præminentia in eorum Ecclesiis titularibus, sive Archipresbyterorum in Ecclesiis patriarchalibus; *de jurisdict. disc. 34. & 35. & in disceptationibus Cardin. de Albic. ibidem registratis.* Ac etiam in materia beneficiali habetur actum de iudicatis, quæ ipsis concedi solet pro collatione beneficiorum, Apostolicis reservationibus vel affectionibus non obstantibus. *de benef. disc. 1. cum seqq.*

In eadem jurisdictionali materia quoque habetur actum de emptione familiarium, vel respective domorum Cardinalium, vel circa eorumdem Cardinalium forum *de jurisdict. disc. 67. 70. & 80.* Atque in materia testamentorum, & ultimarum voluntatum habetur de iudicatis testandi, quibus Cardinales potiri solet *sub tit. de testamen. disc. 6. & cum seqq.* ideoque in præmissis aliisque locis, in quibus de Cardinalibus, eo-

tumque præminentis egisse occasio præbuerit, videri poterit, cum eorum assumptio nimiam redoleret evagationem, *Cobell. qui alios refert de orig. Cardinalium.*

Super antiquo numero Cardinalium, valde certarunt antiqui tam Juristiæ, quam Cronistæ. *Vestr. in prax. in princ. Lotter. de benef. lib. 1. quest. 8. Cohel. ubi supra & in dictis disceptationibus Cardinalis de Albicis.* Sed questionem substituit Constitutio Sixti V. per quam statutus est numerus leptuaginta, sumpto exemplo à Moyle, ex quibus sex antiquiores constituti sunt in ordine Episcopali, atque sex actuales obtinent Episcopatus, quales sunt, Hostiensis, & Veltinus, qui obtinentur à Decano, habente proinde prærogativam conferrandi, & coronandi Pontificem; Portuensis; Prænestinus; Sabinensis; Tusculanus; Et Albanensis.

Super his Episcopatibus, diversis temporibus, ac etiam nostra aetate quæstiones ortæ sunt, an ad instar aliorum Episcopatum actualium, obligarent ad residentiam, fortius vero an essent, cum alio Episcopatu etiam actuali residentiali compatibles; Atque pro compatibilitate, & non obligatione residentiæ resolutum fuit, talisque est praxis, *Cardinalis Brancarius dissert. 2. & iii. de pension. disc. 53. & 79.*

Inter eos autem non dignoscitur ordo majoritatis, sed omnes sunt æquales, cum facultate seniorum, quando alter vacat, illum optandi, & relinquendi illum quem obtinet, excepto Hostiensi & Veltinero, qui annexus est Decanatu, civili potius quam naturali; vidimus enim nostrâ aetate Cardinalem, qui juxta ordinem naturali promotionis erat omnium antiquior, ac naturaliter Decanus, & tamen obiit in statu presbiteri, eod quia vel ex defectu presentiæ, vel ex alio accidenti, non optavit Episcopatum; Et de hac distinctione inter decanatum fictum, vel civilem, & naturalem in Capitulo Cathedralis, vel Collegiæ habetur in sua sede. *de Canon. & Capitul. disc. 15.*

Alter est ordo presbyteralis, constitutus ex quinquaginta Cardinalibus, qui presbyteri dicuntur; Et alter diaconalis constitutus ex quatuordecim Cardinalibus, qui dicuntur Diaconi; Atque in hoc posteriori ordine nostrâ pariter aetate quæstio orta est, an facultas in propria Ecclesiæ Cardinali diacono competat impatiendi solemnum ac pontificalem benedictionem sub throno elato, pontificali more, atque affirmativa prodit resolutio; Atque super hoc puncto, ac etiam super materia capellarum privatrum Cardinalium eleganter ac eruditè scriptis, suosque labores posteritati tradidit insignis Cardinalis Episcopus Portuensis. *Dicitus Cardinalis Brancarius dissert. 1. & 7.*

Inter omnes dictos ordines respectivè, sive de uno ad alterum, datur optio, quia scilicet ille, qui ordinem Episcoporum ingressus est, juxta ordinem antianitatis, pro ejus arbitrio in proximo Consistorio post vacationem optare potest alium Episcopatum; Sive primus Presbyter optare ultimum Episcopatum vacante; Aut inter ipsos Presbyteros vel Diaconos respectivè meliorare titulos, aut ab ord. diaconali facere transiit ad presbyteralem cum prærogativa saltus, occupando locum juxta ordinem antianitatis super alios, qui prius fuerint in ordine presbyteriali, perinde ac si ab initio in eo constitutus es-

set. Dummodò tamen sint præsentes in eo Consistorio cùm absentes optandi jus non habeant, nisi Papæ dispensatio accedat.

Super precedentia, majoribusque præminentius Cardinalium supra Patriarchas & Archiepiscopos vel Episcopos apud antiquiores quæstio fuit; Chassan. m. catal. glor. mundi. Hodie tamen sine dubio decisa est, & practicata ad favorem Cardinalium, eò quia licet inferiores in ordine censeantur, maiores tamen & digniores censendi sunt ratione cuiusdam superioritatis ac jurisdictionis super eos tanquam supremi Senatores Papæ, quædam participationem cum eo habentes in regimine Ecclesiæ universalis. Et ex qua ratione magnas quoque obtinent præminentias, & honorificos tractatus cum Regibus & Principibus, aliusque Magnatibus; Letter. de benef. dict. quest. 8. lib. 1. Et de aliis ad eorum materiam videndum erit apud eos, qui formales tractationes desuper habere professi sunt, cùm hæc pro informativa relatione sat videatur insinuasse; Et de aliquibus Cardinalium exemptis in Regalium sede habetur. *D e regalibus disc. 55.*

33 Habet quoque Collegium, adinstar Capitulorum, & Collegiorum inferiorum, quædam massam communem administrari solitam per Cardinalem, qui per turnum singulo quoque anno, vel biennio mutari solet, atque Camerarius appellatur, diversus tamen à Cardinale Camerario in officium de quo infra. **34** Itaque massa continet emolumenta galericardinalitii, quæ sub vocabulo rotuli explicantur, atque à judicio Collegii pendent majora vel minoria emolumenta aliorum Officialium Curia, dum ad Collegium pertinet facere gratias in toto vel in parte de aliquibus expeditionum emolumentis; Adinstar autem distributionum, de illis participant solum Cardinales præsentes in Curia, quales dicuntur ad hunc effectum illi, qui in duobus annis temporibus, Veris & Autumni, in Curia etiam per modicum tempus fuerint; Ideoque Cardinales, qui resident in proximis Episcopatibus, pro hac participatione bis in anno per paucos dies ad Urbem redeunt; Diversa etenim est illa præsentia, quæ magis rigorosè exigitur, ut eis aliqua Regula Cancellariae seu privilegia suffragentur. *D e benef. disc. 11.*

D I S C . VI.

De Cardinali superintendentे generali, seu primo Ministro Papæ.

S V M M A R I V M.

- 1** Eistius Cardinali introductione, ejusque munere.
- 2** Cui data proportione assimiletur.
- 3** De aliquibus officiis Regni Neapolitanii.
- 4** De causa introductionis hujus ministri, & quas partes expleat.
- 5** De eodem, & que persona ad hoc munus assumisoleant.
- 6** Quod in negotiis status vel Principatus temporalis ejus munus principaliter versetur.
- 7** In quibus se ingerat respectu Pontificatus, & principatus ecclesiastici.

8 Prebet etiam audientiam Oratoribus, & Officialibus, ac aliis.

9 Habet vivæ vocis oraculum generale, & circa quæ.

10 De facultate subscribendi nomine Papæ per concessionem.

11 Esse solet etiam Legatus status Avenionensis, & de istius Legationis negotiis, ejusque Vicelagato.

12 Est item Gubernator Principatus Firmiani.

1 IN ordine hierarchico Magistratum, & Officialium Papæ, & Curiae, non reperitur iste Officialis, vel Minister, ut potè pendens à consuetudine particulari cuiuslibet Pontificis, qui potest, & quandoque solet, illum non habere, ut nostra ætate in aliquibus Pontificibus (altem ad tempus) praxis docuit, adeo ut comparative, seu cum debita proportione, huic Ministero, seu Officiali, adaptari posse videantur termini Vicarii Generalis Episcopi, qui in ordine hierarchico antiquorum Canonum non reperitur, quoniam, ut alibi insinuat, *supra disc. 4.* & de præminent. disc. 20. antiquitus ea, quæ Episcopus per se ipsum explicare non poterat, explicabat per duos fixos Adjutores seu Vicarios, id munus habentes in dignitate, per Archidiaconum scilicet temporalia, & per Archibishoperum spiritualia; Sed quoniam casus frequenter dabat dissidentias, & inconvenientias inter Episcopum, & has Dignitates, quæ ut potè id obtinentes independenter ab Episcopo ex administratione perpetua & necessaria, atque non pendentes ab ejus nutu, frequenter contra eum erigebant caput, idcirco paulatim inolevit consuetudo particularis aliquorum Episcoporum, quæ deinde effecta est generalis, quod scilicet Episcopus apud se haberet fiduciarium ministerium, qui ejus vice multa ad utramque jurisdictionem spectantia explicaret, atque ita jurisdictio seu potestas Archidiaconi, & Archibishoperum evanuit, restitutaque est ad quædam ceremonia, adeo ut hodierni quamdam solam imaginem antiquæ dignitatis obtainere videantur.

2 Idque in plerisque principatibus secularibus quoque contigisse docemur, quoniam (exemplificando in Regno Neapolitano tanquam principatu viciniore, & Italia notabiliori, cuius aliqua major notitia à me habetur,) antiquitus ille Rex omnia militaria, politica, & civilia negotia explicabat per septem Officiales, id habentes in dignitate, ut sunt, Comes stabilis, Judicarius, Cancellarius, Camerarius, Prothonotarius, Admirarius maris, & Seneschallus; Verum ob eadem inconvenientia inolevit usus, quod istorum potestas, vel præminentia, ad nudas inititulaciones, aliasque ceremonias, vel respectivæ ad aliquas modicas antiquæ potestatis reliquias redacta est, cùm omnia quæ ab eis explicari solebant, explicentur per Vicarium seu Proregem tanquam ministerium fiduciarium ad nutum amovibilem, & per alios inferiores ministros, & officiales; Quinimò, licet ipse Rex pro negotiis supremæ Cancellariae Regie, fixum & perpetuum deputet officiale, substitutum dicti Cancellarii, cui Secretarii Regni nomen tribuitur; Adhuc tamen aliqua potius forensia negotia per hunc solum explicantur; Politica vero, & gratiola, ac etiam aliqua forensia, & civilia, Vicarius seu Prorex explicat per ejus privatos, ac fiduciarios aulicos Secretarios ad ejus nutum deputatos, ac amovibiles; quorum unus justitia pro nego-